

近代中國史料叢刊第七十一輯

沈雲龍主編

永

憲

錄

蕭

爽著

文海出版社
有限公司印行

永
憲
錄

永
憲
錄

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



原序

恭惟聖祖仁皇帝。聰明□□□文武。享國六十有一年。深仁厚澤。淪浹萬方。我世宗憲皇帝繼□□統。峻德豐功。殊恩異惠。不崇朝而徧海宇。重熙累洽。□□□□。小臣伏處草茅。生逢聖世。每感歌詠□□。皇史實錄。所未得見。歲壬寅□□□恭載□□□授受之時。適閱邸鈔。因略記大端。既伏讀登極詔。引孔子三年無改之義。且有永遵成憲。不敢更張之旨。故復蒐集甲辰及戊申二月以前事。備諒陰後三年。而實見我世宗憲皇帝。寧人敷治。事事必推本於先帝。成模大烈。善則歸君之美。孝思所至。蟠際上下。日月合璧。五星連珠。而天昭其瑞。河清五省。穀秀九歧。而地啓其祥。百歲駢登。三男並育。而人臻其慶。千古未有之事。萃於千古未見之時。且草野遺賢。盡蒐羅而在列。積賦浮租。悉蠲除以更始。明良喜起。物阜民安。何其至哉。若夫放流誅殛。聖代豈廢兵刑。彼天演覬覦之萌。由十年儲位之虛。愚氓浮議。□□□一二奸頑造作無稽。以汚人聖德。惑衆開究之霧。□□□世宗憲皇帝之光明正大。昭然億萬臣民之心目。亦諸人之自絕於天耳。□□因時變易。罔非監於先世舊章。今上皇帝復加裁酌。必曰奕祖攸行。此聖祖仁皇帝所以垂法萬世也。集既成。其中殘失良多。以竢多聞者續之。或曰。不慎其以僭妄取戾歟。小臣曰。然然否否。生太平之世。飲和食德。皆當不忘累朝之盛美。況丁未秋有一切詔旨。許官吏記載刊

別共曉之令。遂竊取以有斯編。奉揚詔意。名爲永憲云。其凡例附後。
乾隆十七年。歲在壬申。嘉平上浣。江都草澤臣蕭爽拜手恭紀。

永憲錄目錄

前言	1
原序	1
卷一	1
卷二(上)	1
卷二(下)	1
卷三	1
卷四	1
續編	1
鄧之誠跋	1

永憲錄卷一

聖祖仁皇帝御極之康熙六十有一年。歲在壬寅。

上諱玄燁。章皇帝第二子。以前辛丑春正月卽皇帝位。時年八歲。逾年改元。計踐祚已六十二年。按享國之久。自帝堯以下。惟商太戊七十五年。餘未有越六十者。

春正月丁亥朔。

上御殿受朝賀。

國家大朝賀。元旦、冬至、萬壽等。每當朝賀。鑾儀衛官預設鹵簿儀仗於太和殿前。陳步登於太和門外。大駕於午門外。馴象於大駕之南。仗馬於丹墀中道之左右。俱東西相向。教坊司設中和韶樂於太和殿檐下之東西丹陛。大樂於太和門內北向。禮部官設黃案於太和殿東檐下。諸王、貝勒、貝子、公等俱朝服齊集太和門。未入八分公以下文武各官俱朝服齊集午門外。禮部官捧王以下文武各官及直省文武各官並朝鮮各國所進表文各置表亭內。鑾儀衛校尉舉序。教坊司鼓樂前導。自禮部進東長安門。由天安門至午門外兩旁陳設畢。禮部官從亭內捧表。由午門東旁門入。至太和殿前置黃案上。鴻臚寺官引王、貝勒、貝子、公等於太和殿

前丹陛上立。引文武各官由東西兩掖門入。至太和殿前丹墀內分左右翼排立。引朝鮮、蒙古諸使臣由西掖門入。於西班牙末立。糾儀御史二員於殿西檐下東向立。又四員於丹陛上立。又四員於丹墀內立。俱東西相向。又八員於東西西班牙末立。鴻臚寺鳴贊官四員於殿檐下立。又四員於丹陛上立。又四員於丹墀內立。俱東西相向。鑾儀衛鳴贊官於丹陛南三層階之西。每層各二員。俱東向立。欽天監官於乾清門報時。禮部、鴻臚寺官奏請上陞殿。上具禮服出宮。御中和殿。內大臣、侍衛、內閣、禮部、理藩院、都察院、鴻臚寺執事各官於殿前排班。行三跪九叩頭禮畢。各官趨赴外朝執事。駕輿。出中和殿。內大臣十員兩翼前導。內大臣二員、執兵器侍衛等後。午門鳴鑼鼓。教坊司作中和韶樂。奏元平之章。上御太和殿陞座。樂止。內大臣十員於御座前東西立。後護二員於御座後僉立。執兵器侍衛於御座後衛立。大學士、學士於殿檐下之東西向立。左都御史、副都御史於殿檐下之西東向立。鑾儀衛官贊鳴鞭。丹墀內三鳴鞭。鳴贊官贊排班。內外諸王率文武百官各就拜位立。贊進表贊跪。王以下俱跪。贊宣表。宣讀官從案上捧表詣殿檐下御道之中。北向跪。宣畢。教坊司丹陛大樂作。奏慶平之章。鳴贊官贊跪叩樂。王以下各官俱行三跪九叩頭禮畢。樂止。各復原班立。鴻臚寺官引朝鮮等國使臣。理藩院官引蒙古等國使臣。以次就拜位立。鳴贊官贊進贊跪叩樂。各使臣俱行三跪九叩頭禮。教坊司作丹陛大樂。奏治平之章。禮畢樂止。各復原班立。鑾儀衛官贊鳴鞭。

丹墀內三鳴鞭。駕輿。教坊司作中和韶樂。奏和平之章。上還宮。樂止。王以下各官以次出。康熙八年定制。元旦上具禮服乘輿率諸王以下詣堂子行禮。再詣太皇太后、皇太后宮行禮。然後陞殿受朝賀。凡朝儀必傳制。查明制。正、至皆不用。今同。中和韶樂。東班領樂官二人。歌工一人。樂工十四人。樂器。應鼓一。金鐘十六。琴二。瑟二。笙二。簫一。笛一。塤一。篪一。排簫一。搏拊一。搏拊一。西班牙官工同。樂器。玉磬十六。琴二。瑟二。簫一。笛一。塤一。篪一。排簫一。搏拊一。散一。丹陛大樂。東西班領樂官各三人。共執杆看節次。排長四人。各歌工二人。樂工二十八人。樂器。各大鼓二。方響二。笙四。管四。笛四。雲鑼四。二架拍板一。杖鼓一。按凡上出。先有導迎大樂。人數樂器未詳。拊以韋爲之。實以糠。鼓屬也。以手搏之。故名。方響上圓下方。以銅爲之。磬屬也。

辛卯。賜千叟宴於乾清宮。以憂勤誠敬之旨遍諭羣臣。

大學士集部院大臣年七十以上十五人合成千歲。爲上獻壽。因召六十以上八十以下大學士、九卿、翰林、科道七十人。文武有職官及致仕之員、近畿之民又六百六十人。宴於乾清宮。御製瑤章。命諸臣各依韻賦詩。詩成。名千叟宴詩。並繪圖以傳。是日宴畢。上御東煖閣。命大學士以下諸大臣進。皆賜毡坐。諭曰。今日天氣晴和。又值無事。朕躬亦甚安豫。與爾等閒談舊事。從來帝王任大責重。最爲勞苦。享祚綿遠者甚少。他人不知爲君難。輒崇奉佛釋。

溺信仙道。荒涵酒色。朕自卽位以來。實能絕此三者。故臨馭十年不意至二十年。二十年不意至三十、四十、五十年。五十年之後斷不存到六十年之想。今已六十一年矣。史冊所載人君壽至七十者不過三人。此皆朕之幸也。人君以一身臨天下。前後左右皆足熒惑其心。或大臣擅權。或婦女豫政。或閹寺專命。甚至偏聽私人。如天子門生之類。此非有英斷之才不能獨持綱領。杜絕弊端。然每見英斷之主往往果於殺戮。使朝臣不能保其朝夕。朕則待下寬恕。於諸大臣務期保全。故爾等俱老耄安享富貴。得以功名終始。君臣相對。鬚髮蒼然。致足難也。朕年少時自恃膂力過人。三百斤石上復置一石。手能舉之。馬上馳騁如飛。卽馬或顛蹶。身躍立於地。未嘗沾泥土。今則雄氣已除矣。去年刻一圓書。用戒之在得四字。蓋深自知是耳。朕臨政年深。於軍務尤有灼見。往歲西陲用兵。傳言朕欲親征。以致劉蔭楨上摺勸阻。人臣批鱗直諫。原屬美事。不知兵有虛實。不可拘泥。如西賊騷擾邊外諸番。議者咸謂祇宜守邊。夫我兵不能救援諸番。則邊外部落勢必爲賊所併。此時而議守邊。庸有濟乎。去年臺灣反叛。人頗驚疑。朕知一時窮民激變。卽當平定。並未令九卿議剿議撫。及督撫提督報捷奏至。克復之期不過七日間耳。先年朕親征噶爾丹時。曾作詩以志勝敵之略。大學士張英奏俟大捷後宣示於人。後噶爾丹授首。張英歎服豫算之神。朕於河務尤極留心。先年高、寶一帶地方俱被水淹。朕凡六次閱視河工。知之甚悉。諭張鵬鵬云。爾但遵朕指示。河工自成。

張鵬翮果恪遵朕訓。黃、淮安濶二十餘年。令人不知泛溢之事。去秋河南武陟縣黃河口冲决。濶至山東張秋鎮。運道阻隔。朕繪圖指示。遣官堵塞。不日成功。張伯行議引沁水濟運。與朕意適合。後張鵬翮奏。地形高下。若引之。恐有遺患。遂停前議。朕以至公處事。初無成見。惟言之是耳。爾諸大臣從窮苦中來。今已富貴。或不能記憶。朕從富貴中來。惟恐小民艱難。故令各省督撫於地方事務不時奏聞。凡閭閻疾苦。莫不周知。又於他省來人。問以經過地方雨晴米價。令臣下時存一惟恐上聞之念。百姓地方受益不淺矣。朕教養天下六十餘年。官吏兵民感恩戴德。疆場之上武職効命。綠旗兵一皆奮勇爭先。與滿洲無異。此本朝最好事也。朕今所治之天下卽明代之天下。所居之宮殿卽明代之宮殿。朕登極時。明代遺臣尙多能言萬歷、泰昌、天啓、崇禎四朝事甚詳。明時宮監多至數萬人。宮女至二萬人。今朕所使內侍及諸王所用太監不過七百人。宮眷妃嬪年長者已七十餘歲。所使之人總不過五百人而已。宮中如永壽、景陽等宮皆空閒無人居也。書生評論帝王每每苛刻。惟朱子最爲公平。言金世宗行政果如此人言卽堯舜矣。又朱子言讀書不要被書欺了。此言最妙。嘗見詩賦有驚山百尺。今太和殿高不過百尺。鰲山安可證乎。大凡讀書人多尙虛文。又高自位置。前代諸儒唯性理學問最大。性理內載朱子論鬼神性命。實能囊括釋道全藏。其云。爲人須盡這箇人的道理。此言所包者廣。朕平日習聞贊頌之詞。地方每遇豐登。必歸美於朕。若遇荒歉。又誰

諉乎。此皆虛套。朕所不取。總之。誠敬二字盡之最難。無論大事小事。能盡誠敬。必無差誤。爲人能盡無欲害人之心。自然有福有壽。諸大臣年俱七十八十。在古雖爲懸車之年。但朕同事日久。上下俱不忍相捨。諸大臣勿以年老求退。今日談深坐久。可各回安息。諸臣以次起。令內侍扶掖出宮。按漢武帝、唐高祖、明太祖皆壽七十一。聖諭或謂此。沁水出上黨。至潁陽入黃河。自高而下也。康熙己巳、己卯、壬午、癸未、乙酉、丁亥上六次閱河。加以甲子祭孔林。南幸凡七至江浙。己卯春河決高家堰以及邵伯鎮。屢堵屢潰。庚辰春命兵部尚書范承勳、工部尚書王鴻緒、吏部侍郎王揆、戶部侍郎田雯、兵部侍郎布雅努、刑部侍郎喻成勳、工部侍郎顧藻、副都御史壽鼎、王紳爲督修官。起原任戶部尚書王日藻、左都御史董訥、兵部侍郎楊雍建、內閣學士李應薦、廣督朱弘祚、漕督馬世濟、安撫高承爵、陳汝器、浙撫金鉉、線一信、福撫宮夢仁、廣撫江有良、西粵撫王撫元、雲撫衛旣濟爲分修官。督修者九月撤回。以張鵬翮代于成龍爲河督。專任其事。至壬午四月。河工以次告成。康熙乙丑作延禧、永和、景陽三宮于宮內。是年滿漢大臣。其名見卷內者不載。外則吏部左侍郎勒什布、戶部左侍郎李永紹、禮部左侍郎薩哈布、王思弼、右侍郎羅瞻、景日珍、兵部左侍郎查克旦、右侍郎王度昭、刑部左侍郎阿錫璫、右侍郎劉相、工部左侍郎赫林、右侍郎常壽、王懿、都察院副僉都御史牛鈕、伊忒滿、張大有、江球、鄭汝魯、通政司使傅善、陸經遠、左右通政黨古禮、

潘錦、陳九恭、魏方泰、大理寺卿常泰、左右少卿顧爾泰、郭徽祚、任奕靈。一時人物。特備志。

甲午。上幸暢春苑。一作園。

苑在京師西北。上時駐蹕。計一歲之中幸熱河者半。餘駐暢春又三之一。內有澹寧居、淵慶齋、露華樓。皆臨政所。韻松軒皇子讀書處。佩文齋貯書畫地。他如蒼然亭、清遠亭等處。未能悉詳。

命吏部科道考察六十年大計職官。

成例。凡大計之年。各省於十月內具疏到京。十一月初一日赴通政司彙奏。吏部、吏科、都察院河南道御史各於次年正月十七日封門閱大計冊。冊內分四項。曰才、守、政、年。各填一字。而總列考語及功過於後。准卓異者引見。賜蟒服卽陞。不謹罷黜者革職。年老有疾者休致。不及浮躁者降調。貪酷者革職審擬。各官解任一年與到任未一年者免。軍政分操守、才能、功績、年貌四項。八法。龍鍾衰邁比老疾。輕釋率妄比浮躁。庸怯無能比不及罷黜。賊私狼藉比貪。恣睢虐下比酷。敗倫偏化、行止有虧比不謹。至縱寇殃民、殺良冒功、淫擄焚劫、事干重大者特疏列參。另請處分。大計三年一次。軍政五年一次。其非屆大計軍政之期。每二年加舉劾一次。無則奏停。京察六年一次。雍正元年改爲三年。

戶部進編審戶口。

康熙四十五年總計直省舊管人丁共二千四百九十八萬五千四十八丁口。丁徭銀三百二十九萬五千一百六兩零。米豆二萬三千七百六十六石零。每十年編審一次。除逃亡抵補外所增加賦。五十二年萬壽恩詔後來增丁永不加賦。祇編戶口入會典。是年之數未悉詳。雍正改元後編審遂未舉行。按有糧則有丁。糧去而丁存。故編審則糧多者加丁。無糧者可以抵免。自攤丁之法立。窮民免累。而國賦無虧。此編審所以緩行。然不能十年一攤。後來窮者不盡免累。富者反多無丁。法當過糧則代丁攤於受糧之人。是在持籌者變通之耳。

始命滿漢監察御史巡察臺灣。

御史專稽察非常。整飭營務。不干預地方事。如有條奏。照本衙門例行。一年而替。如巡鹽例。後巡察同。乾隆元年後多省。而臺灣如故。凡巡察與督撫皆平行。

封皇三子和碩誠親王胤祉子弘晟、皇五子和碩恆親王胤祺子弘昇爲世子。

今上登極。禮臣奏諸王子名應避同御諱一字。旨。此皆皇祖所賜名。不必避。臣民亦仍之。只去一點。

丁未。上行幸霸州。講春蒐。馳蹕南苑。

凡上巡幸。自親王以下各衙門派隨駕扈從官員。是日。鹵簿大駕樂器陳設。上出宮。午門鳴

鐘。王以下公以上於金水橋兩旁排立。民公以下文武各官於午門外兩旁排立。駕至皆跪。候過隨行。不隨駕王以下都統以上送駕。候旨方回。隨駕護軍統領等統領兵馬。照旗次序分隊隨行。凡乘輿經過之地。先鴻臚寺傳諭。百里以內地方官率領本地鄉紳士民接於十里之外。本地鎮守滿漢官軍亦整齊隊伍接於十里之外。分文東武西。駕至跪迎。送駕亦如之。京師四面皆有海子。山水纒匯。建行宮爲豫遊地。南苑一名南海子。在京師南二十里。方一百六十里。苑東晾鷹臺旁有三海子。元之舊也。明增治之。設四門。繞以周垣。畜養禽獸。籍海戶千餘守視。卽上林苑也。今爲門五。牆垣一萬九千八十五梁。每梁長一丈。每門設看守官兵太監。內糧莊五所。菓園五所。瓜園二所。馬館三處。牛圈四處。海戶一千六百人。屬奉宸院官職掌。上林官屬裁。其中宮殿未詳。上時駐蹕。多講武於晾鷹臺。自紅門而來。馳騁可五十里。紅門。苑之門也。帝王宮苑皆朱戶。按明苑地東至白河。西至西山。南至武清。北至居庸。西南至渾河。皆禁不許圍獵。中有德壽寺。今爲喇嘛結習地。玉皇閣供奉上帝。五帝陪列。皆禁地。五帝。周禮之青、赤、黃、白、黑五方帝也。羽流奉之。漢儒訓詁其號曰靈威仰、赤熛怒、白招拒、叶光紀、含樞紐。其實一上帝耳。今不在祀典。

鎮海兵薛大有妻虞氏一產三男。

成例。民間一產三男俱存者。給布十疋。米五石。若男女並產及三女。不准行。

冰凌積水冲決武陟馬家營、滎澤秦家廠隄工。漫溢至山東東阿之張秋、直隸長垣等地。經筵講官禮部尚書蔡升元免。以工部尚書陳元勳爲禮部尚書。兵部左侍郎李先復爲工部尚書。左都御史黨阿賴罷。以正黃旗漢軍都統安泰爲左都御史。

春二月丙辰朔。

戊午。上駐蹕趙北口。

在京師之南。有東西二淀。上水獵所。

鎮守澎湖總兵官陳策卒。

策由千總爲淡水營守備。朱一貴亂。力保淡水。擒獲賊首范正文等。功加左都督。擢澎湖總兵。未數月卒。澎湖有三十島。孤懸海中。官軍所駐者止二十里許。一無所產。日用取資於臺。一遇風濤。往返動經月餘。一貴亂後。部議鎮臣移澎湖。以控制臺灣。督撫累言不便。是年五月得旨復還臺。

敕征西靖逆將軍吏部尚書富寧安、振武將軍都統祁禮德攻傅爾丹。進兵土兒番。乘機襲擊澤旺阿喇蒲坦。

上諭征西將軍祁禮德摺奏。澤旺阿喇蒲坦於去歲將沿界之人撤去。土兒番人移往哈喇沙兒。其阿爾泰、烏魯木齊等處無一哨汛。傳聞伊已身故。宜乘機襲擊。按澤旺阿喇蒲坦。厄

魯特噶爾丹之姪。踞波羅搭拉地。名衣立國。在雲南金沙江之西。最強盛。幅輿之廣數千里。素與哈密爲仇。以其舊臣服而後備藩於我也。遂縱兵取烏斯藏。以窺哈密。上命都統顏後作延信掛平逆將軍印。統尙書富寧安、提督師懿德等。合陝西、四川、雲南之師。克復藏地。繼命皇十四子胤禩往視師。屯三大營。以十五萬衆守之。蓋哈密爲通諸番之咽喉。固哈密所以拒諸番。不得已而用兵也。烏斯藏卽吐番。凡百餘種。散處河湟、江岷間。元時爲郡縣。明洪武初。詔各俟舉故有官職者至京授職。自是番僧有封國師及王者。本朝皆請換敕印。修職貢。哈密古伊吾廬地。明永樂初設衛。封安克帖木兒爲忠順王。本朝請封貢奉朔。其地產美瓜。供御用。金沙江通麗江。懿德字秉如。陝西寧夏人。是年爲鑾儀使。以目翳告歸。嘗提督江南。有賢聲。烏斯藏產異寶。其宮室、服飾、器具。中國帝王有不及也。側聞達賴喇嘛所居皆奇材異木。座旁設黃金塔二。七寶莊嚴。高丈餘。遺澤旺之難。失去一塔。朝廷代爲修補。所費數十萬。鋪地以大紅瑪瑙。飲食器皿皆黃金。有五色蠶。吐五色絲。織成大錦。愈浣愈鮮明。中國所賜錦緞遜之。以時朝貢珍珠、珊瑚、寶石、各色氍毹、各色氍毹綿、各色氍毹、花褐布、花綿毯、慈獸皮梵祖紅等貴重之物。

甲子。上獵於材圈頭。

乙丑。上駐蹕玻璃。

琉球歲貢。

是年入貢諸國。皆照荷蘭例加增賞賜。以卯遠人。成例。貢期。琉球二年。朝鮮每年有年貢、節貢。安南三年。荷蘭五年。暹羅三年。土魯番五年。西番各寺皆三年。惟西洋以地遠未定貢期。順治元年設四譯館。館有十。曰。鞑靼、女直、回回、緬甸、百譯、西番、高昌、西天竺、八百媳婦、暹羅。十五年。裁鞑靼、女直二館。今向化日廣。國名、貢期未悉詳。按明永樂初始設八館。有女直、鞑靼。無八百、暹羅。百譯作百夷。蓋諸國各有字書。必加翻譯乃知。如朝鮮、安南、琉球諸國。疑與中華同文。回回、天竺、高昌皆西域國。西番卽吐番烏斯藏等部是。暹羅在南海。百譯在滇西南。八百、緬甸皆其種類。鞑靼部落不一。卽前代之匈奴、突厥、契丹。女直。盛京北奉朔之蒙古也。

安南歲貢。

命核兩淮官商侵蝕加根課銀。

兩江總督常璉索取兩淮規禮無厭。而巡鹽御史張應詔清廉。不遂其欲。乃乘總商賀節赴署。以草薦卷程庭倒控之。逼令誣服。因參應詔前任運使侵蝕加根銀三十二萬。節儀四萬八千兩。上令新巡鹽內閣學士魏廷珍核實。奏康熙三十四年始派餘銀十五萬兩。三十八年上南巡豁免。及織造曹寅、李煦更番歷任鹽差十年。又加織造銅舫等銀每年二十七萬餘兩。增至

三十二萬。曹、李任滿。例應除之。後再命工部尙書李先復、通政司使圖蘭往理。雪應詔之枉。坐商人程庭等賂補。甄尋卒。應詔內補御史。

乙亥。上回鑾。

丁丑。上駐蹕南苑。

嚴順天頂冒考試。

各省士子在京。以冒苑、大商竈等籍入學中式爲捷徑。刑部左侍郎王景曾請禁。上命移歸本籍。禮部議。嗣後順天商竈生員另編字號。取同鄉官印結入試。一百卷取中一卷。其商竈及衛籍童生亦取同鄉官印結應考。五十卷取錄一卷。進取難則頂冒自禁。上從之。往例。教官、典史之子准於所在地方考試進取。解官移回本籍。雍正九年並禁止。其直省凡係冒籍者皆令移回。以示廓清。

命內閣學士阿克敦、一等侍衛宗室佛倫往朝鮮。冊封國王李的弟延成君吟爲世弟。

國王無子。奏本身甚弱。遂允所請。海外諸國惟朝鮮奉朔。凡詔誥與各省一體頒發。當太宗時。朝鮮先歸順。故職貢比於藩王。其國卽高麗。明初國王王顛昏迷。衆推門下侍郎李成桂參國事。詔更號朝鮮。幅幟東西二千里。南北四千星。從西北長白山發脈。南跨全羅。與中國蒞遠對峙。遼瀋亦其故地。鴨綠江東之平壤城卽箕子始封地也。相傳衣冠文物不異中華。論

語而外。別有顏子。五經少易。往來携帶者舟必覆。卽熟復者歸必忘。特不解復聖之教何以獨流于海外。凡冊封出使外國正副使。給以蟒緞披頂、麒麟補長褂、一品頂帶。以與國王敵體。回時仍用原品頂帶服飾。朝鮮音昭先。世多誤呼。附誌之。因近東方日出處得名。史記注以其國有油水。故名油水。未詳。又云鮮亦水名。古有三韓、百濟、新羅諸國。自宋、元後。朝鮮皆併而有之。其國始大。按論語中止載顏子答問語。從未記其一言。竟另有其書歟。

臺灣叛逆賊首朱一貴等伏誅於京師。

一貴與脅從李勇、吳外、陳印、翁飛虎、王玉全、朱阿三等俱凌遲。杜會三與自行就撫之杜君英、陳福壽等滅等立決。其同宗有服之親。照叛逆例分別治罪。六十年四月二十二日。臺灣南路木崗山後坑底地方匪類朱一貴等聚衆爲亂。豎立大旗。上書大明討口大元帥朱。鎮臣歐陽凱聞變。遣兵撲滅。於南北二路失利。守備馬定國自刎。餘殺傷過半。凱親督兵往援。連敗賊衆。五月一日。賊四面蹂躪。凱力不支。沒於陣。副將許雲等皆殲焉。遂陷府治。廈門提督施世驥統大兵於十一日飛赴澎湖。以扼其吭。十六日攻進鹿耳門安平鎮。賊衆披靡。二十二日克復府治。城走鳳山。世驥分遣署參將林秀、王萬化、游擊邊士偉等追入。南北二路賊多降附。閩六月初八日。鳳山居民獲一貴、勇等獻於林秀。臺灣復平。用兵之際。總督滿保駐師廈門。以爲聲援。調遣將士。接濟軍需。故速成功。林秀時官游擊。世驥報功抑之。雍正三

年。引見各省保舉武職。始敍前勞。擢參將。至總兵。臺灣東倚山。西薄海。北界紅毛雞籠城。與福州對峙。南則河沙磯近小琉球。周袤三千里。水陸之產咸備。明末海寇鄭芝龍出沒其中。歸明後。地爲紅彝所據。及芝龍輔僞隆武。王師下浙閩。芝龍降。少子成功竄入海。集兵寇閩、粵。侵江、浙。順治十八年圍臺。敗荷蘭。遂有其地。僞永歷遣人封成功爲延平郡王。至子經自稱招討大將軍。傳孫克塽。康熙癸亥入我版圖。封克塽漢軍公。三世僭亂三十八年。荷蘭一曰和蘭。卽紅毛。其國船高三十丈。銃長二丈餘。發之洞石城。震數十里。中國傳其制。號大將軍。相傳礮之爲用。石則震之而開。若入土一尺卽不行。故行陣之間。機每向上。騎兵多受傷。而元史載西域人亦思馬因造礮攻襄陽。入地可七尺。兩存其說。以俟辨。餘詳後卷。

春三月丙戌朔。

上回宮跳神。

跳神。國制也。凡遠出者回。必享牲酬神。病愈亦然。滿洲之行此者。咸具饌以招親友。盡醉飽乃已。或云。卽祀堂子所奉之鄧將軍者。鄧將軍相傳明鎮遼總兵。戍建州部而保護我太祖於孤幼中。故祀之等祖廟。一曰。其神主疾癘。疑用喇嘛治其事。按跳神之舉。明亦有之。神宗時宮中每跳步。番經廠內官司之。英華殿、隆德殿、欽安殿皆供西番佛像。遇做好事則

懸揚幡榜。內官皆戴番僧帽。紅袍黃領黃護腰。於隆德殿跳步。以其地加寬厚也。執經誦念者十餘人。裝韋馱像向北立一人。御馬監牽活牛、黑犬圍侍者十餘人。學習番經跳步者數十人。各戴方頂笠。穿五色大神袍。身披纓絡。一人在前吹大法螺。一人在後敲大鑼。餘持有柄員鼓。執彎槌擊之。緩急疏密各有節奏。按五色方位魚貫而進。視五方五色傘蓋下誦經跳舞焉。所供食皆用素。以奉佛故也。立監齊神如人大。盔甲器械皆真者。於本殿門安之。事畢收本殿庫。凡跳步或一晝夜。或三晝夜。圓滿掃砂。欽安一名玄極。前宮中大享天地所。英華在宮西北隅。奉九蓮菩薩御容。九蓮。神宗生母慈聖李太后也。素好佛。有言九蓮菩薩化身者。宮中遂以佛事之。因事類跳神。附載焉。本酌中志。酌中志明內監不合於魏忠賢罪誦者所作。紀宮禁事及忠賢出身與亂政諸惡最詳。世傳之。

丁亥。上幸暢春苑。

兵部議奏蕩平郭羅克善後事宜。設長司守之。

四川提督岳鍾琪前領兵抵郭羅克交界。賊番伏兵對敵。敗之。追至中郭羅克納務等寨。連克一十九寨。斬首三百餘級。擒賊首酸他兒纏索布六戈。復督兵至上郭羅克等寨。該頭目且增等將不法賊番首惡假磔。賊從格羅等二十二人縛獻軍門正法。率闔寨男婦老幼八百戶匍匐歸誠。朝議設土長官司管轄。以雜谷土司板第兒吉親叔囊索沙加布老成服衆。堪領其職。籍

其番蠻戶口姓名所管地方界址。並取永保無虞印廿各結。請旨從之。郭羅克內通陝之西寧、川之松潘。外連西海。爲口外往來必由之地。其部落番人惟以劫奪爲事。歷年受其荼毒。上令發兵進剿。一舉而歸命焉。鍾琪。陝西臨洮人。故四川督昇龍之子。以候選同知改授松潘游擊。陞永寧協副將。復藏有功。超擢今職。

福建水師提督姚瑩奏臺灣善後事宜。

一、澎湖總兵仍駐臺灣。一、臺灣鎮協標兵難以裁汰。一、臺灣道標兵宜歸臺鎮。一、臺灣府治宜建城郭。部議。澎湖總兵令其不時稽查臺灣。廈門道標兵裁歸臺協。分設南北要路。其臺鎮協標所裁兵丁仍舊設立。至臺灣在海外。無庸建城。臺灣鎮標三營及南北二路淡水等營共步兵四千九百九十名。安平副將水師兵二千五百名。雍正三年准巡臺御史禪濟布、景考詳奏。各營設馬兵三百名以備緩急。五年又准文武紳士捐立府治木柵周千八百丈。

天旱。命戶部開倉平糶。

派八旗官兵駐劄湯山馬圈。

浙閩總督覺羅滿保題薦征臺奏績職官。

水師千總董方赴廈門領餉。遇朱一貴倡亂。隨提臣施世驥與澎湖守備林亮爲頭隊先鋒。於六十年五月十六日先奪險攻入鹿耳門。二十三日又於西港仔蘇歷甲地方大敗賊衆。克復臺

灣。題補水師守備。又南澳鎮標守備呂猶麟、千總陳瑞俱於十九日在崑身奮勇殺賊。二十二日在西港仔大敗賊衆。克復臺灣。題補南澳游擊、守備。臺灣之北沿海。沙積爲陸。名崑身。自大崑身至七崑身止。

癸卯。上萬壽聖節御殿受朝賀。

凡萬壽朝賀進表行禮如元旦例。遣官祭太廟後殿及東嶽、真武、城隍之神。不言前殿。上親祀於奉先也。各省大臣皆進方物。而江西巡撫王企璜所獻其名甚異。因備錄之。羅紋紙二十張。格爾莫斯一瓶。歌爾德濟德辣一瓶。德哩啞嘎一瓶。巴木撒木香避風巴爾沙摩一瓶。番紅花一瓶。巴爾白露一瓶。啞掛濟拿摩摩三瓶。金濟納一包。衣巴油二瓶。安利摩牛一包。蘇濟尼二瓶。甘佛蠟一座。巴爾加德哩一瓶。阿都爾則一瓶。西洋斑毛一匣。波囉額德一瓶。色路撒一包。沙瑣香一瓶。達爾默的歌一瓶。翁文多哩歌一瓶。武瑪武一包。撒勒步路蠟一瓶。西洋琉璃一包。蘇爾佛助一盒。啞掛辣喜納一瓶。白辣濟多露我樂二瓶。皆異域之產。名仍國語。或傳寫誤錯。莫能詳譯矣。

設四川銅梁、岳池文廟儒學師生。

川省自明張獻忠之亂。國初人民彫散。爰有歸併之縣。重慶之定遠、銅梁、安居歸併合州。順慶之岳池歸併廣安州。幅員延亘至四五百里。今戶口繁滋。知州難於總理。六十年。總督年

夔堯請以定遠仍歸合州。安居則歸銅梁。與岳池各設知縣、典史。因令二縣更設教職一人。入學各八名。此外歸併者。成都附郭之華陽歸併成都。雙流歸併新津。彰明歸併綿州。重慶之璧山歸併永州。大足歸併榮昌。武隆歸併涪州。夔州之大寧歸併奉節。大昌歸併巫山。新寧歸併梁山。潼川之安岳歸併樂至。嘉定之成遠歸併榮縣。其成都之彭縣、崇寧。眉州之彭山、清神。未詳所併。雍正七年後多復設。前歲乙酉。張獻忠謀襲西安。盡殺川人。以絕顧望。會計殺衛軍七十五萬。兵二十三萬。士民三十餘萬。丙戌元日。命孫可望、劉文秀、李定國、艾能奇分路捱戶草殺。五月上功。計殺男婦六千餘萬。其御營及二十一營總兵數無考。又殺己兵數十萬。川人殆盡。賊平。移湖廣民以實之。百年始將復舊。亦從古未有之殺劫。詳具毛

西河後鑿錄。

兵部奏。征澤旺阿喇蒲坦陣亡將士前湖廣總督額倫特、侍衛色楞、副都統查理、四川提督康泰、涼州總兵康海、宣化總兵司九經。各予贈賚有差。

嘉祥生員梁心始百歲。

丙午。上詣西山祈雨。

戊申。京師得大雨。

上幸皇四子和碩雍親王園。

自六十年雨過萬壽。雍親王皆奏請駕臨。奉觴演劇。以祝無疆。天顏每霽。向妃嬪稱孝慈焉。開軍前運米捐納例。

海寧海塘成。

塘以障海潮。前年崩潰。海鹽沙地將四十里。自是爲東南鉅工。

署總督河道陳鵬年請定河工銓補官弁之制。以杜鑽營。

每道員、同知、通判、守備等官缺出。擇合例三員具題引見。候上欽點。千總雜職等官缺出。

亦擇合例三員咨部驗看掣簽。從前河官缺出。督臣卽保題蒞任。鵬年一切示公。後遂爲例。

河營兵用以防河。江南十河營。後增至二十。兵丁戰二守八。樁手下培鐵樁。力作更苦。得食

戰餉也。先時每營統以守備。後緊要地亦設參、游。乾隆元年。准河南、山東河兵亦以戰二守

八爲制。按河兵。食糧之河夫無所謂弓馬技勇者。隸總河標。

夏四月乙卯朔。

丙辰。復祈雨。

吏部尙書張鵬翮查勘河工。報堵塞張秋決口工竣。

詔增歷代帝王崇祀功臣配享。

上諭大學士等。朕披覽史冊。於前代帝王每加留意。書生但知譏評往事。前代帝王雖無過

失。亦必刻意指摘。論列長短。無一人爲帝王公言者。朕見每朝崇祀不過一二位。或廟享其子而不及其父。或配食其臣而不及其君。甚未允當。今宋、明諸儒尙以爲宜祔孔廟者甚多。自古帝王從未有入奏請崇祀者。朕意凡曾在位。除無道被弑亡國之主。此外盡應入廟。卽一二年者亦然。並應增從祀功臣。詳開奏聞。大學士馬齊等將歷朝帝王並功臣與入正統不入正統及被弑亡國者各開一摺。請上欽定。按明洪武四年。始命參考歷代聖帝賢王在中華安養人民者立廟合祀。共三十六主。六年。禮臣言內有父子祖孫相繼合祭。未安。應別立廟。故止祀創業之主伏羲、神農、黃帝、少昊、顓頊、高辛、唐堯、虞舜、夏禹王、商湯王、周文王、武王、漢高祖、光武、隋文帝、唐高祖、太宗、宋太祖、元世祖。尋去周文王、唐高祖。又去隋文帝。止十六主。其餘二十主令有司春秋祭於陵寢。則商中宗、高宗、周文王、成王、康王、漢文帝、景帝、武帝、宣帝、魏文帝、隋文帝、唐高祖、憲宗、宣宗、周世宗、宋太宗、眞宗、仁宗、孝宗、理宗。嘉靖二十四年。從給事中陳棗議。撤元世祖廟祀及侑饗木華黎五人。本朝順治二年增遼太祖、金太祖、世宗、元太祖、世祖、明太祖。共二十一位。而順治中。禮部尙書王崇簡曾建議更定廟祀。如商之中宗、高宗、周之成王、康王、漢之文帝、宋之仁宗、明之孝宗七君。宜百世祀。不當以成見格。部覆未行。廟凡五室。三皇一室。五帝一室。三代兩漢帝王一室。唐遼金四帝一室。宋元明四帝一室。每逢遣官致祭陵寢。二十一帝外與明略同。但有女媧

氏。無漢武、唐宣、宋孝、理及隋文也。

詔卹故大學士熊賜履幼子志契、志夔。

上諭。大學士如李蔚、王熙、杜立德、張玉書、李光第、王項齡等之子孫皆爲職官。惟熊賜履居官清正。學問優贍。朕每念舊勞。不忘於懷。其長子有瘋疾。次子尙幼。熊賜履爲試官。所取門生不下千人。身後竟無顯卹其家者。令諸臣扶助。以望成就。於是門生尙書王鴻緒等。非門生大學士王揆、王項齡等助銀三千餘兩。命交江寧織造曹頌生息。給予用度。賜履字素九。號青樵。江南上元籍。湖廣孝感人。順治戊戌孫承恩榜進士。官至東閣大學士兼吏部尙書。在相位最久。甲戌、丁丑、庚辰、癸未屢典會闈。卒諡文端。蔚號垣園。直隸高陽人。順治丙戌傅以漸榜進士。官至保和殿大學士兼戶部尙書。加太子太傅。立德字純一。直隸寶坻人。明崇禎癸未楊廷鑑榜進士。官至保和殿大學士兼禮部尙書。加太子太傅。玉書字素存。江南丹徒人。順治辛丑馬世俊榜進士。官至文華殿大學士兼戶部尙書。貌不及中人。一生活退和緩。在相位二十餘年。庚寅隨駕熱河卒。上爲詩弔之。賜諡文貞。餘見後。志契字敷五。乾隆初。錄用爲翰林院孔目。其長兄志伊近朕。文端歿後曾特旨召見。奏對含糊。命授編修歸里。凡科目例列榜首名。後不重載科分。兩朝同者繫年貌。餘亦省。

通政司使明安罷。以盛京刑部理事官圖蘭爲通政司使。

丁卯上幸熱河避暑。

熱河行宮在古北口外哈喇和屯。譯語曰烏城。屬永平府。治內有山曰磬鍾。行宮之東偏爲避暑山莊。進左門西行至萬壑松風。遙望磬鍾。石壁插天。西嶺有亭曰鍾峯落照。循石磴而下爲晴碧亭。倚欄可以觀魚。循磴復上。夾水爲隄。則芝徑雲隄也。北行折而東。長廊廣廈。門匾曰無暑清涼。則山莊之總稱也。前行一室。其形似舟。爲雲帆月舫。再前一處。庭植金蓮花。榜曰金蓮映日。北有趵突泉。依山爲湖。長橋臥波。曰雙湖夾鏡。曰長虹飲練。湖角皆植蓮花。又東北行。諸山泉水匯爲大湖。湖中一峯突兀。峯頂層樓則上帝閣。其下迴廊曲折。室宇清曠。顏曰天宇咸暢。循石磴而下。有泉瀉于石間。味如沆瀣。爲風泉清籟。此外如滄浪嶼。如環碧。及後所載諸勝。大致倣杭州西湖。而湖中五十餘風景雅過之。奇花異木。幽谷懸崖。莫能盡述。王公大臣偶一賜遊。稱異數焉。再伏讀上御製集有三十六景詩。每詩有敘。與耕織四十六景詩。皆繪圖以傳。時以賜諸王大臣。其三十六景十錯見於御敘者不一。蓋分之各爲一景。合之則共爲一景。於四分者相聯絡也。因彙載以志山莊之全勝。與雲漢天章照耀千古焉。熱河地既高敞。氣亦清朗。無蒙霧鎖氣。柳宗元記所謂曠如也。四周秀嶺。十里澄湖。致有爽氣。雲山勝地之南有屋七楹。遂以烟波致爽顏其額焉。右烟波致爽。夾水爲隄。逶迤曲折。徑分三枝。列大小洲三。形若芝英。若雲朵。復若如意。有二橋通舟楫。右芝徑雲隄。循芝徑北

行。抄而稍東。過小山下。紅蓮滿渚。綠樹緣隄。面南夏屋軒敞。長廊聯絡。爲無暑清涼。山爽朝來。水風微度。冷然善也。右無暑清涼。入無暑清涼。轉西爲延薰山館。楹宇守樸。不艷不雕。得

山居雅致。啓北戶引清風。幾忘六月。右延薰山館。水清則芳。山靜則秀。此地泉甘水清。故擇其所

宜。邃宇數十間。於焉誦讀。幾暇靜養。可以滌煩。可以悅性。作此自戒始終之意云。右水芳岩秀。在

無暑清涼之南。據高阜。臨深流。長松環翠。壑虛風度。如笙鏞迭奏聲。不數西河萬松嶺也。

右無暑清涼。進榛子峪。香草遍地。異花綴崖。夾嶺虬松蒼蔚。鳴鶴飛翔。登蓮瀝。臨崑圃。神怡心

曠。洵仙人所都。不老之庭也。右松蘿。萬壑松風之西。高樓北向。憑窗遠眺。林樾烟水。一望

無極。氣象萬千。洵登臨大觀也。右雲山勝地。澄泉繞石。迤西過泉源。盤岡紆嶺。有亭翼然出衆山

之巔。諸峯羅列。若揖若拱。天氣晴朗。數百里外樹光雲影。皆可遠矚。亭中長風四達。伏暑

時蕭爽如秋。右四面環山。環山莊皆山也。山形至北尤高。亭之西北一峯峻出。勢陂陀而逶迤者。金

山也。其東北一峯拔起。勢雄偉而峯嶺者。黑山也。兩峯翼抱。與茲亭相鼎峙焉。右北枕雙峯。傑閣

凌波。軒窗四出。朝霞初煥。林影錯繡。西山麗景入几席間。始登閣若履平地。急緣梯而降。

方知上下樓也。右西嶺。平岡之上。敞亭東向。諸峯橫列於前。夕陽西映。紅紫萬狀。似展黃公

望浮嵐暖翠圖。有山轟然倚天。特作金碧色者。譬鍾峯也。右鍾峯。山莊之南。複嶺環拱。嶺上

積雪。經時不消。於北亭遙望。皓潔凝映。晴日朝鮮。瓊瑤失素。蛾眉明月。西崑闔風。差足

比擬。右南山入梨樹峪。過三岔口。循澗西行。可里許。依崖架屋。曲廊上下。層閣參差。翠嶺

作屏。梨花萬樹。微雲淡月時。清景尤絕。右梨花碧溪清淺。隨石盤折。流為小池。藕花無數。

綠葉高低。每新雨初過。平隄水足。落紅波面。貼貼如泛杯。蘭亭觴詠。無此天趣。右曲水兩峯

之間。流泉瀉瀉。微風披拂。滴石作琴筑聲。與鶴鳴松韻相應。泉味甘馨。怡神養壽。恰合章

孝標松下泉詩。注瓶雲母滑。嗽石茯苓香。右風泉清流素練。綠鮑長林。好鳥枝頭。遊魚波際。

無非天適。會心處在南華秋水矣。右漆櫃湖中一山突兀。頂有平臺。架屋三楹。即上帝閣也。

仰接層霄。俯臨碧水。如登妙高峯上。北固烟雲。海門風月。皆歸一覽。右笑字曲水之南。過小

阜。有水自宮牆外流入。蓋湯泉餘波也。噴薄直下。層石齒齒。如漱玉液。飛珠濺沫。猶帶雲

蒸霞蔚之勢。右暖洞獅徑之北。岡嶺蜿蜒數里。翠崖如壁。下暎流泉。水靜溪深。尋源徒倚。

詠朱子問渠那得清如許。為有源頭活水來之句。悠然有會。右泉源北嶺多楓。葉茂而美蔭。其

色油然。不減梧桐、芭蕉也。疏窗掩映。虛涼自生。蘿葛交枝。垂掛崖畔。水似青羅帶。山如碧

玉簪。奇境在戶牖間矣。右奇風甫田叢櫺之西。夏木千章。濃陰數里。晨曦始旭。宿露未晞。

黃鳥好音。與薰風相和。流聲逸韻。山中一部笙簧也。右鸞鳴曲水之東開涼軒。前後臨池。植

重疊千葉諸名種。翠蓋凌波。朱房含露。流風冉冉。芳氣竟谷。右香遠廣庭數畝。植金蓮花萬

本。枝葉高挺。花面圓徑二寸餘。日光照射。精彩煥目。登樓下視。直作黃金布地觀。右金蓮